

佛祖統紀

五四之

風陵文庫
文庫19
F229
3



教主釋迦牟尼佛本紀四

佛祖統紀卷第四

宋景定四明東湖沙門

志磐

撰

入涅槃

序曰如來所說一代法門其意在乎開顯大事因緣而已及乎人機既得大益則又為之說云所應度者皆已度畢於是唱入滅度以示化儀之有始卒將以起懈怠者之慕心以垂訓未來之人余至曰我不滅度常在靈山斯則如來不生不滅大般涅槃之旨言涅槃者此有二義一者為法華未熟人追說四教具談佛性令知真常入大涅槃名拈拾殘機教四教謂如來調熟漸機眾生以法華涅槃皆為後教後味

譬如田家先種先熟先收晚種後熟後收是以八千
聲聞無量損生菩薩大德身子等於法華中得受記
別見如來性成大果實如秋收冬藏更無所作即是
前番從摩訶般若出法華若鈍根人法華不入更用
般若淘汰如五千自起人天被移此等未熟者更論
般若入於涅槃而見佛性即是後番從般若出大涅
槃故知法華前番如秋成大獲涅槃後番如捃拾餘
殘五十

述曰法華開顯已廢方便其未熟者尚勞調停故
於臨滅度時重施三教之權用顯一乘之實此追
說之意也義在聖行品然五千先已結緣略聞開顯今

此會中復為追說既於當座知常故須即施即廢
此追泯之意也義在德王品追說者重施也追泯者重
會也法華已施已廢即是前番涅槃重施重廢即
是後番籤之言曰涅槃重施方便又云泯者會合
皆此義也

二者為末世比丘畜不淨物失樂誦外典不教佛經
乘於佛法中起斷滅見天傷慧命亡失法身使乘戒
俱失故更扶三藏廣開常宗設三種權扶一圓實故
名扶律談常教雜見四大經若言不許諸惡比丘畜
八不淨是戒門事門此即扶律義案律云八不淨者
僕五養禽獸六錢寶七橋金八象金若說如來實不
餘牀及諸重物此之八物顯過不應

畢竟入於涅槃及遮外典此是乘門理門此即談常義據經合

云。如來實不畢竟涅槃方是談常。今籤文云。如來畢竟入於涅槃。此脫實不兩字。今用經補足。若未

代諸惡比丘破戒說如來無常及讀外典則並無乘

戒失常住命賴由此經扶律談常則乘戒具足故知

此經為贖常住命之重寶籤引大經云。若人藏積七

惡王。為用贖命。乃當出用。諸佛秘藏。亦復如是。為未

來出諸惡比丘。畜不淨物。為四眾說。如來畢竟入於

涅槃。讀誦外典。不教佛經。如是等惡。出現世

時。為滅諸惡。為說。是經。是經。若滅佛法。則滅

迷曰法華開顯之後涅槃廣開常宗知一切眾生

皆有佛性於是末代無知安於平等大慧之說忽

略戒律不復經懷此戒緩之失也至於不讀佛經

唯好外典此乘緩之失也是知讀經要在解義行

因未足以為出此之近果也乘戒俱緩非三塗之

歸而何歸如來久鑑未來唱商行寄金之典重扶

三藏圓會真常顧命之言有在於是然則扶律談

常之教正被今日凡在為學可不自勉是以止觀

方便具五緣中首明持戒以為助道要令行人以

圓三觀觀察所持十種戒本相相清淨事理俱持

乘戒俱急非同十二年中不知圓常唯明事相之

戒故義例有云雖依法華三昧妙行末代鈍根若

無扶助則正行傾覆故須扶律談常以顯實相若

夫大經所云於戒緩者不名為緩於乘緩者乃名

為緩此即偏贊大乘格量優劣之文豈當恃此便

忽事戒止觀謂乘急戒緩者以三塗身見佛聞經
 如華嚴涅槃鬼神龍畜皆預列眾如是因果差降
 升沈非一云何難言理戒得道何用事戒幸於人
 天受道何意苦入三塗不明此宗未足與議涅槃
 最後之訓若但弘四分不讀大乘徒知專守鹿
 苑持犯之章曾未獲聞鷲峯開顯之旨此為弘道
 良用悲心如智者之滅弟子問誰可宗仰則答之
 曰波羅提木又戒四三昧在焉乘左溪之逝則顧
 謂門人曰吾六即道圓萬行無得乘戒為心本戒
 汝等師之是又知列祖弘道未嘗不取本於乘戒
 俱急扶律談常之意

若論時味與法華同談其部內純雜小異四教儀

六意辨異二經云判味同時而部有異云然二經

教意起盡是同如法華三周說法斷真聲聞咸歸一

實開迹也斷了亂反與如字訓史後開近顯遠明

菩薩事顯本涅槃亦是先勝三脩小證并奪三脩十仙

三脩者世人隨邪師教相續為常適意為樂動轉為

是我劣三脩者聲聞依半教謂三界無常諸有非樂

一切空無我無我所勝三脩者依佛勝教破於劣修

以常樂我片諸比丘無常苦空無我虛偽不真法身

常恒無有變易歡娛受樂具八自在如是修者斷真

聲聞入秘密藏開迹也後三十六問明菩薩事顯本也

辨菩薩五行十又涅槃臨滅更扶三藏誠約將來使

未代鈍根不於佛法起斷滅見廣開常宗破此顛倒

令佛法又住如此等事其意則別云云起謂正說初分
盡謂正說未分法華以本迹二門為初後二分初則
開權顯實斷真聲聞後明本門增道捨生重更辨前
開權化主久遠成佛故涅槃正說開為四段初然陰
品去明涅槃施斷真三脩二長壽品十四品明涅槃
義三現病品去五品明涅槃行四師子乳品去三品
明涅槃用故知初已斷真聲聞後但明於涅槃義用
是故二經經云從摩訶般若出大涅槃故合法華為
起盡是同第五時儀

五十三年壬佛先往初利天三月安居遣文殊請母
所暫屈禮敬三寶摩耶夫人聞之乳自流出直至佛
口即與文殊俱至佛所佛為說法得須陀洹果三月
將盡欲入涅槃帝釋作三道寶階佛與母別大眾導
從下還祇洹佛外切

述曰案行法經卻後三月我當涅槃則知說行法
在辛未十一月望案升初利經三月安居則知說
行法畢即自往初利案此經三月將盡欲入涅槃
則知此年二月十四日下閻浮提十五日入涅槃
時優填王拘賤戀慕世尊鑄金為像聞佛當下寶階
象載金像來迎世尊金像上下猶如生佛雨華放光
為佛作禮世尊合掌語像我滅度後我諸弟子以付
囑汝觀佛三○案增一阿含經帝釋請佛升初利天
檀作如來像高至五尺波斯匿王聞之以紫磨金作
像亦高五尺時閻浮提始有二像又西域記優填王
請目連以神力接工人上佛姨母摩訶波闍波提云
天親觀妙相用梅檀雕像佛姨母摩訶波闍波提云
大變不忍見如來滅度與五百除饑女禮佛退還精
道

舍各在空中作十八變同時泥洹佛令阿難入城徧告理家優婆塞受作五百梓材闍維畢取舍利造廟供養佛母泥洹佛躬舉鉢一脚阿難舉一脚飛在虛空往至冢間四部大衆各舉五百比丘尼增一阿含經天王舉鉢佛在前擊鐘燒香供養為報恩故

梁祐律師曰姨母之德均為所生是故持舉之重爰酬鞠育將以厲後世無恩之人也釋迦

舍利弗目犍連不忍見佛涅槃遂先入滅七萬阿羅漢亦同時入滅時四輩弟子莫不荒亂如來以神通力化作二弟子在佛左右衆生喜憂惱即除薩婆多論迷曰身子不忍見佛涅槃故先入滅而涅槃亦引

大經則云身子見佛涅槃不憂常住不喜是知開顯之義不同附小之文

今日座中無央數衆或見如來入般涅槃像法史

二月十五日佛在拘尸那城此城力士生地娑羅雙

樹間臨涅槃時出大音聲普告大衆今日世尊將欲

涅槃一切衆生若有所疑今悉可問為最後問時世

尊晨朝從面門放種種光徧照十方六趣衆生共相

謂言當疾往詣勸請如來莫般涅槃涅槃經

迷曰如來以聲光普告大衆而六趣之中有能相

謂勸請者蓋是大權示現主首之倫故能次第轉

告三塗實報之衆故此經列衆有稱諸天八部師

象鳥獸皆名為王者此意可知

時弟子四眾諸大菩薩闍浮諸王大臣長者四天王諸天子八部諸王山海諸王師子象王諸鳥獸王唯

除迦葉阿難二眾及阿闍世王佛以聲光召五十二眾時迦葉在香山阿

難在迦葉羅林外為諸魔所惱聞王害父身生惡瘡詣佛懺悔即還本宮都不覺知如來涅槃○見涅槃後

分各持供具詣佛供養甘默不受是時會中優婆塞

純陀白言我等欲從如來求將來食唯願哀閱受我

微供佛云我今受汝最後供養令汝具足檀波羅蜜

純隨白言雖知如來方便示現涅槃而我不能不懷

苦惱佛讚善哉能知如來示同眾生方便涅槃時天

龍八部勸請如來唯願久住不入涅槃世尊為說伊

字三點如來之身解脫般若三法如世伊字梵書三點

不縱時諸比丘請說無常苦空無我佛說出世常樂

不橫我淨世間四顛倒法諸比丘言如來求無四倒了知

常樂我淨何故不住一劫半劫教導我等舍離四倒

佛言我今所有無上正法悉已付囑摩訶迦葉當為

汝等作大依止猶如如來云佛告大衆今以正法付

囑國王大臣及四部眾應當勸厲諸學人令得增上

戒定慧若有不學是三品法懈怠破戒毀正法者大

臣四部眾應當苦治涅槃經

述曰佛告諸比丘所有正法悉已付囑迦葉此為

正付法以迦葉能繼世傳持也又云今以正法付

囑王臣四眾。此是旁付法。以在官能。治人護法也。
 佛告大衆。從今日始。不聽聲聞弟子食肉。經
 述曰。梵網制菩薩不應食肉。鹿苑之際。小乘病開。
 魚肉。楞伽則不應菩薩食肉。釋籤謂在四舍後。為
 漸制之始。既云菩薩不應食肉。故知小教仍開。今
 涅槃始。不聽聲聞弟子食肉。從今日始。則知大小
 俱制。正見扶律之意。末代出家。可不知奉。
 阿闍世王。既害父已。身生惡瘡。邪見六臣。咸言六師
 能治。王病。耆婆白言。唯佛能治。王聞佛欲。涅槃。悶絕。
 躄地。世尊大悲。入月愛三昧。放清涼光。往照王身。身
 瘡即愈。王與夫人國民五十八萬。往拘尸城。佛為說

所有重罪。即時微薄。王及夫人采女。皆同發菩提心。
 遶佛三匝。辭退還宮。
 佛告。憍陳如。阿難何在。陳如答言。在娑羅林外。去此
 大會十二由旬。為六萬四千億魔之所。燒亂。是諸魔
 衆。悉自變身為如來像。宣說一切諸法。示現神通。阿
 難念言。如是神變。將非佛所作邪。阿難入魔罟。故極
 受大苦。以是因緣。不來至此。佛告文殊。阿難吾弟。給
 事我來。二十餘年。所可聞法。具足受持。喻如瀉水。置
 之一器。是故我今顧問。何在。欲令受持。是涅槃經。今
 為諸魔所惱。汝持是大陀羅尼。可往救護。文殊受已。
 至阿難所。魔王聞兒。悉發菩提心。捨於魔業。即放阿

難歸至佛所涅槃

述曰阿難初為摩登伽女所攝佛敕文殊將咒往救所以為宣說首楞嚴大定之發起後於娑羅林外為魔所燒佛敕文殊將咒往救所以為魔王發菩提心捨於魔業之緣起未可以聲聞小果為之籌量至言侍佛左右唯證三果滅後結集方證四果此皆阿難用方便道特留殘結耳內秘菩薩外現聲聞佛為授記山海慧自在通王佛當約此意以為之論

佛告阿難是娑羅林外有一梵志名須跋陀羅年百二十雖得五通未捨憍慢汝可往彼語云如來出世

如優曇華於今中夜當般涅槃若有所作可及時作阿難受敕往作是言須跋陀羅言善哉即與阿難還至佛所聞佛說法得阿羅漢涅槃既證果已白言世尊惟願少住教誡莫般涅槃世尊默然不許須跋陀羅不忍見如來涅槃即先入滅佛告大眾自我得道度憍陳如最後度須跋陀羅吾事究竟無復施為涅槃○時阿難以何泥樓豆語咨啟四問佛告阿難如汝所問六群比丘惡性車匿行汗他家云何共住我涅槃後車匿比丘漸當調伏捨本惡性佛去世後以何為師者尸波羅戒是汝大師佛涅槃後依何住者依四念處嚴心而住觀身性相同於虛空名身念處

觀受不在內外中間名受念處觀心但有名字名字
性離名心念處觀法不得善法不得不善法名法念
處一切行者應當依此四念處住如來滅後結集法
藏一切經初安何等語者當安如是我聞一時佛住
某方某處與諸四眾而說是經後分○時阿難請問
如及般涅槃後云何殯葬佛言當如轉輪聖王葬法
用白氈纏身塗以末香金棺鐵槨持盛王身灌以酥
油香薪燒之火盡收取骨末起塔表刹見者悲喜思
王正治我今聖王亦復如是此國土未來眾生水
華火葬塔冢之葬其事為多閻浮界內有振且國我
遣三聖在中化導人民慈哀禮義具足冢墓因緣經
○止觀我遣

三聖化彼真丹輔行仁義先驅真道後啓清淨法行
經光淨菩薩彼稱孔子迦葉菩薩彼稱老子月光善
薩彼稱顏回

佛說涅槃時有萬五千億人於是經中不生信心是
人於未來亦當得信

述曰此見妙句未知據何文此等極鈍根人即是
末代出家具正信學佛法者我輩何幸得預此流
如來臨入涅槃諸天大眾皆來供養唯螺髻梵王不
來觀省時諸大眾惡其我慢使百千咒仙往彼令取
乃見種種不淨而為城塹犯咒而死復策無量金剛
持咒而去乃至七日無人取得大眾悲哀說偈如來
即以大徧知神力隨左心化出不壞金剛於大眾中

顯大神通三千世界六及震動即騰身至梵王所指
彼穢物變為大地報梵王言汝大愚癡如來欲入涅
槃汝何不去即以金剛不壞之力微以指之梵王發
心至如來所穢迹金剛指梵王穢物變為大地所謂以

神通變其穢境故得名之為穢迹金剛也

世尊將入涅槃是時中夜寂然無聲為諸弟子略說
法要汝等比丘於我滅後當尊重珍敬波羅提木叉
當知此則是汝大師若我住世無異此也遺教經
佛告衆曰我雖在此閻浮提中數數示現入於涅槃
實不畢竟涅槃是故當知是常住法不變易法涅槃經
時世尊於七寶牀右脇而卧頭枕北方足指南方面

向西方後背東方如來中夜寂然無聲於是時頃便
般涅槃娑羅樹林四雙八隻入涅槃已東西二雙合
為一樹南北二雙合為一樹垂覆寶牀蓋於如來慘
然變白猶如白鶴大眾哀聲普振一切世界涅槃後分時
一切人民即入城中作七寶金棺栴檀沉水香華幡
蓋至如來前而申供養大眾悲哽共扶如來入金棺
中遣四力士請棺入城力不能勝乃至遣十六力士
亦不能勝時阿泥樓豆語力士言縱使盡城內人共
舉佛棺亦不可得當須大眾諸天助汝舉棺乃得入
城所言未訖帝釋即持寶蓋垂在空中乃至色界諸
天皆如帝釋供養聖棺世尊大悲即自舉棺升空高

一多羅樹從西門入從東門出從南門入從北門出
 如是左右遶城經于七匝徐徐空行至茶毗所下七
 寶牀時四天王各持天上栴檀沉水各五百根乃至
 第六諸天世間大眾各持栴檀沉水至茶毗所後分
 二月二十二日如來涅槃已經七日將欲去棺大眾
 哀泣共扶如來置七寶牀香水灌洗妙兜羅綿纏頭
 至足白氎千張次第纏身共扶如來入寶棺中以妙
 香木成大香樓舉棺樓上大眾各持香炬至香樓所
 皆悉滅沒後分
 阿那律升忉利天以告摩耶夫人摩耶自天而下棺
 自為開世尊起合掌曰遠屈下來復語阿難曰汝當

知為後世不孝眾生故從金棺出問訊於母摩耶夫人
 時大迦葉與五百弟子在耆闍崛山去拘尸城五十
 由旬案赴佛涅槃經云迦葉在伊茶梨山去舍衛二
 由旬萬八千里教授一千弟子此蓋部別不同當以
 涅槃後分所出為正迦葉於正受中心驚身顛從定中出見地
 大動即知如來已入涅槃即將弟子往拘尸城至佛
 棺所如來大悲為迦葉故棺自然開顯出真金紫磨
 堅固色身迦葉哀哽即以香水灌洗千氎纏身棺門
 即閉迦葉說偈如來復現雙足千輻輪相出於棺外
 迦葉禮讚金剛雙足還自入棺從心胷中火涌棺外
 漸漸茶毗經于七日香樓乃盡後分
部別不同當以
後分所出為正

佛滅度已始經七日大迦葉告五百阿羅漢令詣十方世界盡集六通阿羅漢得八億八千衆於雙樹間聽受法言經處胎

分舍利

序曰智者有言此舍利者是戒定慧之所熏修究其為義則有生法全碎之辨我不滅度常在靈山此豈非法身全身乎今論涅槃之後八萬四千則唯示生碎二身尔如來久遠劫來數數去現蓋將開生身之迹以顯法身之本即碎身之狹以見全身之徧大權益物可勝思議者哉

二月二十九日如來荼毗已經七日帝釋開棺取佛

右牙天上起塔有二捷疾羅刹盜取佛牙一雙時城內大衆收取舍利滿八金壘入拘尸城七日供養後分

○舍利此云骨身

三月六日如來本生眷屬迦毗羅國王父子王淨飯二

出家父王問佛云國嗣永絕則知既崩之後無復繼者今此迦毗羅王蓋是國人立兄弟之子為其後故今云本生眷屬也諸釋種等經三七日知佛涅槃入拘尸城

請求舍利不果所請阿闍世王請佛懺悔洗滌身瘡極重罪滅即還本宮於涅槃夜夢見月落召問諸臣答言是佛涅槃之相王即將臣從至拘尸城請求舍利不果所請時毗離外道名王阿勒迦羅王毗釋不畏王遮羅迦羅王波肩羅王各將臣從入拘尸城請

求一分舍利。還國供養。不果。所請後分并拘尸那已上七國共為八國。

時八國王共爭舍利。有大臣優波吉諫八國王。時帝釋化作人語我等諸天亦應有分。阿釋達龍王言我等亦應有分。若不見與。力足相敵。時優波吉告言諸君且止。此舍利宜共分之。何須見許。即分舍利而為三分。一分諸天。一分龍王。一分八王。處胎經

八國共分舍利。闍王得八萬四千數。又別得口髀。還國道逢難頭木龍王。從求舍利。闍王不與。龍言我力能壞汝國土。闍王怖畏。即以佛髀與之。龍王於須彌山下起水精塔。闍王還國。以紫金造盛舍利。作十歲

燈於五洹河水中。作塔藏之。阿育王經

八國舉兵爭求舍利。姓煙婆羅門高聲唱言當作八分。時拘尸城得第一分。乃至闍王第八分。各還本國。起塔。姓煙婆羅門得盛舍利。瓶還那羅聚落。起塔。羅延婆羅門得最。還國起塔。是時闍浮提始有十塔。十律

集三藏

序曰荆溪論結集三藏則有三處。一千結集。正當最初。佛藏後四七百結集。為滅後百年。跋闍檀行十事。周厲王三十四年見通塞志五百結集。為四百年後。因伽毗吒王請僧論道不同。所出。然法苑珠林李長者合論。並依

處胎經以後後七日為五百結集今案本文迦葉告五百正是遣使集衆未為正結集則當以荆溪之論為正

四月十五日大迦葉如是思惟應當結集三藏念法

久住即往須彌山頂搥銅捷稚音度地聲論翻為鐘

鐵鳴者皆名捷地說偈曰佛諸弟子若念於佛當報

佛恩莫入涅槃諸弟子得神力者皆來集會迦葉選

得千人皆阿羅漢唯除阿難闍王曰給千人飯食中

夏安居三月初十五日說戒時迦葉入定以天眼觀

阿難一人煩惱未盡手牽令出阿難慚泣白言佛法

阿羅漢者不得供給左右使令以是留殘結不斷耳

大迦葉復言汝更有罪汝勸佛度女人出家使正法

減五百年阿難言三世諸佛皆有四部迦葉復言佛

欲涅槃背痛卧言須水汝不供給阿難言是時五百

乘車截流而度水濁不取迦葉復言佛問汝若有人

四神足好修可住壽一劫若減一劫汝應答云佛應

住壽一劫若減一劫佛三問不答故令世尊早入涅槃

阿難言魔蔽我心是故不答迦葉復言汝與佛

僧伽梨衣製徒頰反重衣以足踏上下阿難言我捉衣

時大風吹墮脚下非不恭敬迦葉復言佛陰藏相般

涅槃後以示女人是何可恥阿難言我思女人見佛

陰藏相必羞取女形欲得男身修行種種佛之德根

非為破戒。迦葉令作六種突吉羅罪。僧中悔過。突吉羅此云惡作。又應當學。迦葉復言斷汝漏盡。然後來入阿難思惟諸法。求盡殘漏。定力少。故不即得道。後夜欲過。疲極。偃息。仰臥。就枕。霍然得悟。入金剛定。破一切煩惱。得六通。後夜到僧堂。敲門。迦葉語云。汝從門鑰孔中入。來阿難。即以神力。從孔中入。禮拜懺悔。迦葉乃云。汝莫嫌恨。還汝本座。阿難禮僧已。升師子牀。智度論迦葉告言。佛所說法。一言一字。勿使有闕。時阿難最初出經。第一胎化藏。第二中陰藏。第三摩訶衍方等藏。第四戒律藏。第五十住菩薩藏。第六雜藏。第七金剛藏。第八佛藏。是為經法具足。時阿難發聲唱言。我聞如

是一時佛住所居處。迦葉大眾皆悉墮淚。咄嗟老死。如幻如化。昨日見佛。今日已稱我聞。經處胎阿難身與佛相似。短佛三指。初登高座。眾起三疑。或疑世尊重出。或疑他方佛來。或疑阿難成佛。及唱我聞。三疑俱遣。妙句阿難集法藏。自云佛初轉法輪。我見時不見。如是展轉。聞智論舊云。阿難得佛覺三昧。力自能聞。記云。佛加覺力。故名佛覺。舍利弗問經。阿難修不忘禪。得佛覺三昧。力自能聞。又未聞經。願佛重說。故佛口密為說。阿難親承佛旨。如仰完器。傳以化入。以瀉異瓶。佛已涅槃。從金棺出。金臂重為現入胎之相。諸經皆聞。妙句胎相尚聞。況後諸經。阿難給侍二十年。已前諸經皆得以聞之也。使

難面於佛前自聞授記即時憶念過去諸佛法藏通達無礙如今所聞亦識本願法華學無

如來在此鐵圍山外十方諸佛並皆雲集說法亦名

話經後時文殊召諸菩薩及大阿羅漢結集大乘法

藏各言某經我從佛聞須菩提言金剛般若我從佛

聞故知不局阿難然阿難則徧聞諸經餘弟子則徧

局當部淨名疏引智論

如來滅後於畢鉢羅窟立三座部主結為三藏阿難

誦出經藏迦葉誦出論藏優波離誦出律藏此即上

座部更有一千賢聖命婆尸迦於窟外結集名大眾

部此二部通稱為僧祇律是為根本僧祇律○此文分三藏為三部

主是乘所出

阿難從佛請願二十年中所說盡為我說報恩

摩得勒伽論說十二部經唯方廣部是菩薩藏十一

部是聲聞藏又佛為菩薩聲聞說出苦道為菩薩藏

聲聞藏智論云大迦葉與阿難在香山撰集三藏為

聲聞藏文殊與阿難集摩訶衍經為菩薩藏涅槃云

十一部經二乘所持方等部為菩薩所持是以經論

略唯二種妙玄

衆經論明教非二若摩得勒伽有二藏聲聞藏菩薩

藏又諸經有三藏十一部是聲聞藏方廣部是菩薩

藏合十二部是雜藏又有四藏者更開佛藏菩薩與

胎經為八藏胎化藏中陰藏未為阿難說時即是秘密教為阿難說後即是不定教摩訶衍方等藏即頓教戒律藏即三藏教十住藏即方等教雜藏即通教金剛藏即別教佛藏即圓教

在胎所說一切諸法

世尊滅後百年毗舍離城跋闍子比丘擅行十事聽兩指抄食得聚落間得寺內後聽可得常法得受金銀彼於布薩日檀越有施金銀而共分之如是簡擇一一檢校乃至十事非法非毗尼非佛所教七百阿羅漢集論法毗尼故名七百結集律四分贊曰能仁寂默成佛久遠仁賢劫波乘時利見一代

施化歸宗開顯天人群生咸開宿願所應度畢示迹泥洹不生不滅常在靈山未來修學盈滿世間共期佛慧莫獨真冊

釋迦牟尼佛本紀四

東湖尊教雙清法師處謙施芝券一百道

佛祖統紀卷五
 西土二十四祖紀第一
 天宋景定四明東湖沙門 志磐 撰

西土二十四祖紀第一

佛祖統紀卷五

天宋景定四明東湖沙門

志磐

撰

西土二十四祖

- 始祖摩訶迦葉尊者
- 二祖阿難陀尊者
- 三祖商那和修尊者
- 四祖優波鞠多尊者
- 五祖提迦多尊者
- 六祖彌遮迦尊者
- 七祖佛駄難提尊者
- 八祖佛陀密多尊者
- 九祖脇比丘尊者
- 十祖富那夜奢尊者
- 十一祖馬鳴尊者
- 十二祖迦毗摩羅尊者
- 十三祖龍樹尊者
- 十四祖迦那提婆尊者
- 十五祖羅睺羅多尊者

十六祖僧伽難提尊者 十七祖僧伽那舍尊者
 十八祖鳩摩羅跋尊者 十九祖闍夜多尊者
 二十祖婆修槃駄尊者 二十一摩拏羅尊者
 二十二祖鸚勒那尊者 二十三祖師子尊者
 止觀論之辭曰行人若聞付法藏則識宗元付法藏
 人始迦葉終師子二十三人未田地與商那同時取
 之則二十四人諸師皆金口所記輔行云如來黃金
 並是聖人能多利益按法滅經我滅度後有二十輔
 行云像未四依弘宣佛化傳中既云並是聖人故多
 是四依亦可通於三二以初依屬九不得名聖也妙
 云五品六根為初依十住為二依十行十向為三依
 十地等覺為四依此約大乘論四依若涅槃經云有

四種人能護正法為此所依初依小乘內外凡二依
 初果三依一二三果四依四果此約小乘論四依今言
 付法乃是故輔行所言是大乘四依也
 言傳中者即付法藏傳名付法藏因緣經今論祖
 承傳大法而趨多諸祖云證小果者准荆溪意謂四
 果是真福田化道易行宜作此像即是四依為四果
 像是知金口諸師皆破無明位在四依內弘大法而
 外示小像為明付法撰二十四祖紀
 始祖摩訶迦葉尊者此云大飲光古仙人身光隱蔽
 齋身亦光明飲餘光佛弟子中最長故標大字以簡之
 三迦葉等於此同姓中最長故標大字以簡之名畢
 鉢羅是菩提樹名父母禱樹羅閱祇國城即摩伽
 陪國中父迦毗羅古云頭面金色蓋是世稱大富長
 者十六大國無以為鄰千倍勝瓶沙王即頻婆娑羅
 王此云顏色

正王有金犁千具畏勝於王減一耕犁但用九百九
 十九雙牛金犁有六十庫金粟庫容三百四十斛昔
 毗婆尸佛入滅之後勝此云塔像金色少處闕壞時有
 貧女丐得金珠欲補像面時迦葉為鍛金師既為補
 治因共立誓願我二人常為夫婦身真金色恒受勝
 樂以是因緣九十一劫生天人中最後得生第七梵
 天初禪大梵居第六時摩伽陀國不害有婆羅門巨富
 無量而無子息舍側有一樹神常往乞子歷年無應
 瞋忿語曰今更七日奉祀若復無驗必當燒樹樹神
 愁怖即詣梵天梵王天眼見一梵天臨當命終勸其
 往生滿足十月生一男兒身真金色光明赫奕照四

十里身具三十相文句應是開白相師占云此兒宿
 福必當出家年至十五欲為聘妻兒語父母能為我
 得紫金色女我當納之父母即召諸婆羅門鑄一金
 女輿行村落高聲唱言若有女人見金神者後出嫁
 時必得好婿女聞悉出唯一女軀體金色獨不肯出
 諸女強將共見金神婆羅門見即為聘得夫婦二人
 了無愆意各住一房父母知已毀除一房令共同室
 迦葉語曰我若眠時汝當經行汝若眠息我當經行
 夫婦節操深厭世間啓求出家即舍家事深入山林
 心念口言諸佛如來出家修道我今亦當隨佛出家
 即著壞色納衣自剃須髮空中天神而告之曰釋迦

如來今與千二百五十阿羅漢在王舍城竹園中住
迦葉聞語即趣竹園佛往逆之至跋耆聚落值佛奉
上寶衣佛即授以糞掃大衣初聞增上戒定慧即得
無漏時已百二十歲其婦相續亦得阿羅漢果迦葉
受乞食法行十二頭陀至老不舍常曰我受佛衣師
想塔想未曾頭枕況以覆卧如此大衣大進我行佛
語之曰汝年老根弊可舍乞食及受長衣迦葉答曰
我當盡壽行蘭若行此云寂靜處十頭陀行之佛言善哉若迦
葉行頭陀行在世者我法久住迦葉頭陀既久髮長
衣弊來詣佛所諸比丘皆起慢心佛分半座令坐迦
葉不肯佛即廣讚迦葉功德與我不異何故不坐諸

比丘聞為之心驚佛復為說本因昔有文竭輔行云即
頂生王也高才絕倫天帝欽其德遣千馬車造闕迎之天
帝出候命王同坐共相娛樂送王還宮迦葉以生死
座命吾同座吾今成佛以正法座報其往勲迦葉共
佛坐時天人咸謂佛師即起鳴佛云佛是我師我是
弟子云毗邪離城有長者維摩詰方便示疾饒益衆
生佛告大迦葉汝行詣維摩詰問疾迦葉白言我不
堪任詣彼問疾所以者何憶念我昔貧里行乞維摩
詰來謂我言以一食施一切供養諸佛及衆賢聖然
後可食如是食者非有煩惱非離煩惱非入定意非
起定意非住世間非住涅槃其有施者無大福無小

福不為益。不為損。是為正入佛道。不依聲聞迦葉若
如是食。為不空。食人之施也。時我聞。說是語。即於一
切菩薩深起敬心。不復勸人以聲聞辟支佛行。是故
不任諸彼問疾。維摩經世尊於法華會上告舍利弗。如
是妙法。諸佛如來時乃說之。時舍利弗於此法說。領
解世尊授記。未來作佛號曰華光。復告舍利弗。今當
復以譬喻更明此義。遂說長者大宅。歟然火起。長者
方便誘諭諸子。以羊鹿牛三車玩好之具。引之令出。
然後等賜高廣大白牛車。如來亦復如是。初說三乘
引導眾生。然後但以大乘而度脫之。時大迦葉等四
大聲聞於此領解。遂說窮子之譬。謂如窮子捨父逃

逝。五十餘年後。雖遇會志意下劣。二十年中常念除
糞。過是已後。心相體信。結會父子。正領家業。自言我
等昔來。但樂小法。世尊以方便力。說如來智慧。今我
方知。世尊於佛智慧。無所吝惜。是故我等說本無心。
有所希求。今法王大寶自然而至。如佛子所應得者。
皆已得之。於是世尊復告迦葉。說藥草喻。述成其解。
而語之曰。汝於未來當得成佛。各曰光明。法華經
佛告諸比丘。我今所有無上正法。悉已付囑迦葉。當
為汝等作大依止。涅槃經○此別付法。○阿難問。迦
葉。我無異。止。時大迦葉與五百弟子在耆闍崛山去
拘尸城五十由旬。迦葉於正受中心驚身顫。從定中

出見地大動即知如來已入涅槃即將弟子往拘尸城至佛棺所如來大悲為迦葉故棺自然開顯出真金紫摩堅固色身迦葉哀嘆即以香水灌洗千疊纏身棺門即閉迦葉說偈如來復現雙足千輻輪相出於棺外迦葉禮讚金剛雙足還自入棺從心胸中火涌棺外漸漸茶毗經十七日香樓乃盡涅槃後分○迦葉子向拘尸城路見梵志手執曼陀羅華謂曰此草涅槃已經七日一切人天大設供養古從彼問得斯耳來出卦佛茶毗已始經七日迦葉告五百阿羅漢令詣十方集諸羅漢得八億八千盡集雙樹間聽受法言菩薩摩訶至中夏安居初十五日迦葉共千羅漢在王舍城結集三藏闍王日給千人飯食足滿一夏智論

迦葉弘持正法至二十年當周懿王八年壬辰以法藏付囑阿難先禮四塔出家成道轉法輪入涅槃各建七寶塔次禮八塔八國利塔次入龍宮禮佛髀塔次升天上禮佛牙塔去辭闍王適值王寢即往雞足山其山三峯如仰雞足即靈鷲山取草敷座而發三願一願此身及所持衣鉢俱不壞待至慈氏下生二願入滅盡定已三峯合一三願阿難闍王若至願山暫開時闍王夢屋梁折王覺已悲歎即往雞足山見迦葉全身儼然在定王發聲哀哭積諸香木欲闍維之阿難為言迦葉以定住身以待彌勒不可得燒王供養已還歸本國山合如故至慈氏三會之後有無量憍慢眾生將登此山慈氏彈指山峯即

開迦葉以所持衣授與慈氏。致辭禮敬畢，涌身虛空，示諸神變，化火焚身，乃入寂滅。付法藏經○梅溪集曰：世尊拈花，出自何典？泉云：藏經三卷，有不載。公曰：項在翰苑，偶見大梵王問佛史疑經三卷，有云：梵王在靈山會上，以金色波羅華獻佛，請佛說法。世尊登座，拈華示眾，人天百萬悉皆罔措，獨迦葉破顏微笑。世尊曰：吾有正法眼藏，涅槃妙心，分付迦葉。

述曰：妙經言世尊開顯大法，迦葉領解，此付法之通義也。涅槃經言佛告諸比丘：我今所有無上正法悉已付囑迦葉。後分云：迦葉至佛棺所，說偈佛現雙足。阿難問經佛將涅槃，告迦葉言：當與四眾作大依止。此等諸文皆在涅槃，即付法之別義也。通則大眾皆獲領解，別則迦葉獨任住持。今涅槃

付囑正當別義，是以祖祖相傳，住持不斷也。有欲以法華領解為付法者，但得通意。

二祖阿難陀尊者佛叔父，白飯主，次子，以佛成道二月八日生。阿難陀此云慶喜，謂國欣慶，即調達之弟也。面如淨滿月，眼若青蓮華，年八歲從佛出家，得白四羯磨具足戒。多聞第一年三十一為佛侍者，聞持法藏至法華會上，佛告阿難：汝於來世當得作佛，號山海慧自在通王。復告諸菩薩曰：我與阿難於空王佛所同時發菩提心，阿難常樂多聞，我常勤精進，是故我已得成菩提。而阿難護持我法，亦護將來諸佛法藏。佛滅度後，大迦葉結集法藏，選千阿羅漢，令阿難升師

子座宣說諸經迦葉垂入滅時以最勝法付囑阿難而作是言往古定光佛為沙門時畜一沙彌常令誦經若經少闕即便訶責時沙彌為師乞食若少稽留經不充課極為其師之所訶罵沙彌愁惱且行且誦時有長者問知其故語沙彌言勿生憂惱從今已後常相供給時此沙彌不復行乞專心讀誦經常充足時沙彌者即世尊是施食長者即阿難是以斯福緣智慧深妙惣持多聞述曰沙彌課經宜得惣持之益必當均獲其報氣分所感豈得免焉阿難遊行宣化幾二十年嘗至竹林中即王舍城竹林寺聞比丘誦偈若人生百歲不見水老鶴不如生一日而得覩見之阿難

慘然曰此非佛偈當云若人生百歲不解生滅法不如生一日而得解了之比丘向其師說師曰阿難老朽言不可信阿難後時聞彼比丘猶誦前偈即自思惟今此比丘不受吾教於世無益宜入涅槃即詣闍王適值其睡王夢蓋莖折即便驚覺門人告言阿難入滅故來相見王發聲哭問何所在答云已向毗舍離國即嚴四兵象馬車步追至恒河阿難乘船在河中流王稽首白言三界明燈願勿涅槃時雪山有五百仙人觀見阿難將欲涅槃飛空而至求哀出家即化恒河變成金地為諸仙人說法成阿羅漢俱時入滅田地五百仙人阿難涌身虛空作十八變入風奮迅三昧分

身四分一分與釋提桓因一分與娑伽龍王一分與毗舍離子一分與阿闍世王四處各起寶塔供養舍利雜見法華付法藏大論文句妙樂

三祖商那和修尊者王舍城長者也過去世為商主路見辟支佛身嬰重病即為求藥治療見其衣極弊惡奉妙氎衣辟支佛言此商那衣或翻草衣西域有淨地之上也以此出家成道故當著此而入滅也

即飛空作十八變便取涅槃商主悲哀積諸香木闍維舍利起塔供養願我來世功德威儀及以衣服如今無異由斯願力於五百世身中陰恒服此商那衣最後身衣從胎俱出隨身增長出家變為法服具戒

變為九條因名商那和修按西域記梵衍那國度

衣絳赤色商那入滅留此袈裟謂弟子曰法盡之後方乃變壞今已少損矣如來昔遊摩

突羅國見樹林榮茂告阿難曰吾滅度後當有比丘

商那和修於此山中起僧伽藍說法教化後商那入

海大獲珍寶往詣竹林設大施會聞佛世尊迦葉目

連皆已滅度即便嚴辦為般遮干瑟此云三五及造門

樓阿難告曰汝今已為財施復當作於法施出家學

道利益衆生商那答言甚適我願即度出家成阿羅

漢乃往曼陁山以慈三昧化二毒龍子營建禪室復

往罽賓國象白山中安坐入定時弟子優波迦多有

五百弟子猶處生死憍慢貢高趣多即入三昧觀此

諸人與已無緣。唯有吾師。乃能化度。便至心念。商那和修。商那神力。從空飛來。衣裳弊惡。坐毳多座。弟子咸瞋。是何弊人。處我師座。以白毳多。毳多至房。頭面作禮。弟子念言。師雖為禮。盛德勝之。商那手指虛空。便下香乳。如高山泉注。毳多不曉。是何三昧。商那為言。此是龍奮迅三昧。如是次第。五百三昧。都不了知。一一為說。又語毳多。如來三昧。目連不識。目連三昧。餘聲聞不識。吾師阿難三昧。我亦不知。今我三昧。汝亦不知。我涅槃後。七萬七千。本生諸經。一萬阿毗曇藏。八萬清淨毗尼。皆隨我滅時。諸弟子方自責悔。商那復為說法。皆得阿羅漢果。商那即飛空作十八變。

而入涅槃。毳多積諸香木。以火邪旬。收取舍利。起塔供養。付法藏經

阿難末田地尊者。雪山五百仙人之導首也。阿難欲入涅槃。槃至恒河中。其地大動。諸仙知之。飛空而至。俱求出家。阿難即化河水。悉成金地。五百仙人俱得出家。成阿羅漢。末田地。此翻為中。以時末田地。故先涅槃。諸仙在河中。得戒也。時末田地。欲先涅槃。後末田地。乃往罽賓。降伏惡龍。住持佛法。臨涅槃時。涌身。虛空作十八變。然後入滅。付法藏經

四祖優波鞠多尊者。摩突羅國人。容貌端正。聰慧辯才。商那初教。繫念若起。惡心當下。黑石生善念時。當

下白石。邈多如教。毒命。初黑倫。多次白黑等。至七日。纔唯有白石。商那即爲宣說。四聖真諦。應時逮得須。隨沮果。時城中有一媼女。名婆須密。聞邈多端。屢遣人延召。邈多不許。有長者子。共媼女宿。值賈客遠來。大齎珍寶。求女交通。女貪其寶。殺長者子。埋置舍內。長者之家。推求。至舍。掘地得之。具陳國王。即取媼女。斬截手足。劓其耳鼻。棄於冢間。邈多往化。至媼女所。婆須密云。我以妙容。相召不顧。今既殘毀。何用來爲。答言。我爲觀汝寶相。故來。不爲欲也。汝本以色誑惑衆生。辭如畫瓶。盛滿臭穢。智者了之。終不樂著。今應諦觀。此色無常。衆苦積聚。如癩。如瘡。宜勤方便。而求

解脫。媼女心開。得法。眼淨。命終。生天。邈多因觀諸法。苦空無常。應時逮成阿那含果。初見商那。便求出家。商那問。汝年幾。答云。十七。商那曰。汝身十七。性十七。邈多曰。師髮已白。髮白。邪心。白邪。商那知是法器。即度出家。受具戒已。即得阿羅漢道。商那謂曰。佛記汝在百年後。坐禪第一。大化衆生。邈多受教。集衆說法。魔王波旬。化作白象。七寶莊嚴。現爲女人。端正奇麗。鑿會觀視。無聽法心。邈多知魔所爲。以蛇狗人。三屍化作華鬘。以加其頸。還見死屍。蟲蛆臭爛。盡其神力。去之不能。涌身虛空。問諸天衆。梵王謂曰。十力弟子。所作神力。豈能解之。汝若歸依尊者。容可得解。波旬

乃往尊者所。五體投地求解。三屍尊者謂言。汝於正法更莫燒害。然後乃當為汝解之。魔言受教。尊者乃為解去。三屍趨多。每以不見佛為恨。因問魔曰。汝曾見佛。其相如何。汝能現否。曰。能。即於大林前現一佛形。相好奇特。如紫金山光照十方。梵釋宮從趨多歡喜。不覺致拜。魔即復形前接曰。我是九夫。何當聖禮。至第四日。魔更下來。以大音聲告一切。欲得富樂。生人天中。欲求涅槃。第一安隱。不見如來大悲說法。悉當往詣趨多尊者。聽受妙法。至心修行。是時城中男女皆共雲集。隨其所應。說種種法。百千衆生得須陀洹。萬八千人。成阿羅漢。時阿怨迦王即阿闍王聞尊者

在憂陀山為衆說法。遣使白言。欲來問訊。尊者以處所隘陋。躬自往請。至華氏城。為王摩頂。說偈指示。如來往昔遊方行住之處。悉令起塔。趨多化度衆生。夫婦俱得阿羅漢者。乃下一籌。籌長四寸。滿一石室。室高丈六。縱廣亦爾。神通化用。與佛無異。但無三十二相。舉世號為無相好佛。化緣已畢。作十八變。而取滅度。以室中籌用為邪旬。人民號泣。共收舍利。起塔供養。付法藏經

五祖提迦多尊者。摩突羅國人。初趨多化緣將畢。往至其父長者家。問言。大聖何以獨行。趨多答曰。我出家人。無有給侍。若有人者。當見垂惠。長者答言。若後

生子必相奉給後生男名提迦多善學經論往從索
之將至僧坊度令出家年滿二十為受具戒初日斷
見諦結得須陀洹第一羯磨薄娑怒癡獲斯陀含第
二羯磨欲界結盡得阿那含第三羯磨頓斷三界煩
惱建立梵行成阿羅漢三明遠照六通具足遊步隱
顯自在無礙徇多告曰我涅槃時至以此法寶持用
付汝汝當流布後提迦多化度世間於中印度而取
涅槃夫人悲感收取舍利起塔於班茶山中付法藏經
六祖彌迦迦尊者中印度人為八千仙人導首多聞
博達有大辯才往見提迦多曰我昔與師同生梵天
我遇阿私陀教授仙法師遇大善知識修習佛道自

此殊途已經六劫彼仙記曰汝後六劫當遇同學獲
證聖果今日得遇非宿緣邪提迦多即為說法得證
無漏仙眾不信提迦多為現神變眾方信服俱得道
果提迦多臨欲入滅以法付囑而告之曰佛以正法
付大迦葉如是展轉乃至於我我今付汝宜當流布
彌迦迦受教宣流正法於諸眾生前涅槃道化緣已
畢遂入涅槃眾取舍利起塔供養付法藏經
七祖佛隨難提尊者北天竺人慧解善說勝服當世
初彌迦迦至其國望雉堞上有金色祥雲敷曰此下
必有大士可為法嗣乃往尋之果於闍闐中佛隨難
提而謂之曰我師提迦多說世尊昔遊北印度語阿

難曰我滅後三百年有一聖人名佛陀難提於此弘法難提答曰我思往劫嘗獻如來寶座彼因記我當於賢劫釋迦法中宣弘教法今符師語願求出家纒聞說法即得四果彌遮迦臨欲入滅即以正法付囑流布後時難提化緣將畢遂入涅槃衆取舍利起塔供養付法藏經

八祖佛陀密多尊者提伽國人德力深固善化群生初難提行化至其國見一室有白光謂其徒曰此有聖人有口不言有足不履及至其舍長者問其何來難提即曰來求弟子長者曰我有一子年五十歲不言不履安能給侍難提曰真吾弟子密多遽起禮拜

行七步已口說偈曰父母非我親誰是最親者諸佛非我道誰是最道者難提曰汝言與心親父母非可比汝行與道合諸佛心即是外道有相佛與汝不相似欲識汝本心非各亦非離又謂之曰此子昔曾值佛悲願廣大憇父母愛情難捨故不履不言長者遽捨出家即證道果流布正法時有國王宗事異學輕毀三寶密多將欲調伏躬持赤幡於十二年在王前行王後問曰斯是何人答曰我是智人善能談論王即宣令於正勝殿集諸婆羅門長者居士與一沙門共相議論密多升座建無方論淺智之人一言即屈其聰辯者再便辭盡王乃躬與密多以起言端亦

摧服王即回心為佛弟子。時國中有尼乾毀謗正法，善知算數尼乾此云密多往化，就受數術。尼乾常出惡聲罵辱於佛，密多謂曰：汝今造罪，必墮地獄。若不見信，可算知之。尼乾推算知墮地獄，白尊者言：我當云何得免？斯答密多告曰：如因地倒，還從地起。汝若歸佛，此罪可滅。時尼乾即以五百偈讚歎如來，改悔先罪。密多復告之曰：汝此善業，必生天上。若不見信，可算知之。尼乾下算，自見已身罪滅，生天便大歡喜。遂與五百人俱共出家，密多化緣將畢，遂入涅槃。弟子為奉全身，起塔供養。付法藏經

九祖脇比丘尊者中印度人，由於昔業在母胎六十

年既生，須髮俱白。厭惡五欲，不樂居家。其父攜見密多，曰：此子處胎六十年，因號難生。曾遇相者言：是法器。願求出家受戒之日，祥光燭座，感舍利三七顆，便於座上。得阿羅漢，精進苦行，脇不至席。時號脇比丘。有外道見師，手放光明，暗中取經，即捨邪歸正。獲證道迹，化緣將畢，現十八變，便入涅槃。眾取舍利，建塔供養。付法藏經

十祖富那夜奢尊者，華氏國人，智識深遠，多聞博記。初脇比丘至其國，止一樹下，指其地曰：此地若變金色，當有聖人至矣。言已，地果成金。既而夜奢果至，遂納為弟子。付以法藏，以善方便化度衆生。所作已辨。

便入涅槃。衆取舍利。起塔供養。付法藏經十一祖馬鳴尊者。東天竺桑岐多國婆羅門。以刀貫
秋。銘曰。天下智士。能勝我者。截首以謝。諸國之人。莫
有抗者。時富那夜奢。於閑林中坐。馬鳴大悔。貢高計
實。有我聞。夜奢說諸法。空無我無人。往謂之曰。一切
世間言論。我能破壞。此言若虛。斬首以謝。夜奢曰。佛
法之中。凡有二諦。若就世諦。假名為我。第一義諦。皆
悉空寂。如是推求。我何可得。馬鳴知義不勝。便欲斬
首。夜奢曰。我法仁慈。不斬汝首。如來記汝。後六百年。
當傳法藏。於是度令出家。內心猶有媿恨。時夜奢有
經在閻室。令馬鳴往取。白言。室閻夜奢。以五指放光。

馬鳴心疑是幻。凡幻之法。知之則滅。而此光轉更熾。
盛即便心服。勤苦修行。仰受付囑。於華氏城遊行教
化。作妙技樂。名賴吒和羅。其音清雅。宣說苦空無我
之法。時此城中五百王子。同時開悟。出家為道。時華
氏王恐國虛空。即便宣令。勿令作樂。有月氏國王。音氏
支攻華氏城。城中凡九億人。即從索九億金錢。時華
氏王即以馬鳴一佛鉢。一慈心雞。各當三億。馬鳴智
慧殊勝。佛鉢如來功德。慈心雞不飲蟲水。悉能摧滅
怨敵。月氏王大喜。回兵歸國。後安息國來伐月氏。交
戰獲勝。殺安息人。凡有九億。有一羅漢欲令王悔。即
以神力示其地獄。王見惶怖。時馬鳴即語王曰。王能

聽我說法當令此罪不入地獄王後欲征北海群臣
 怨王貪虛無道因王病瘧以被鎮之人坐其上須臾
 氣絕由聽馬鳴說法生大海中作千頭魚劔輪回注
 斬截其首續復生頭次第更斬須臾之間頭滿大海
 時有羅漢為僧維那王即告言今此劔輪聞捷維音
 即便停止苦痛小息唯願大德延令長久羅漢悲闋
 為長打之過七日已受苦便畢至今此寺相傳長打
 馬鳴傳法已即入龍奮迅三昧挺身虛空如日輪相
 復還本位以取涅槃眾收舍利起塔供養

論。過去輪陀王。有千白鳥。若鳥出聲。王則增德。如是諸鳥。若見白馬。即鳴。王徧求白馬。不得。乃作言。曰。若佛弟子。能令此鳥鳴者。都破外道。時菩薩神力。現千白馬。鳴。千白鳥。紹隆正法。令不斷絕。是故世尊。名曰

付法藏經摩訶衍

馬鳴

十二祖迦毗摩羅尊者華氏國人為外道師有衆三
 千以神力來繞馬鳴曰汝之神力更能如何摩羅
 白我化大海極為小事鳴曰汝能化性海否問何謂
 性海鳴曰山河大地依之建立三昧六通由茲發現
 摩羅聞之即能信入與三千眾同時悟道受師付囑
 宣布正法於南天竺大興饒益造無我論足一百偈
 此論至處魔外摧折時西印度有太子名雲自在仰
 師道德請入宮中供養摩羅曰佛戒沙門不得親近
 王臣權勢太子曰城北有一山窻可往居否摩羅即
 往趣之路見大蟒為其說法受戒其蟒即隱及至石

窠有素服老人出迎謝曰我昔為僧持戒好靜新學
請益應答之際多起嗔心故報為蟒今居此已千載
適聞說法已得脫苦故此拜謝佛滅至此方六百年
昨為僧故云千載摩羅化緣已畢現通入滅眾取舍利起塔
供養付法藏經

十三祖龍樹尊者南天竺國梵志之裔始生之日在
於樹下由入龍宮始得成道故號龍樹西城記梵云
那伽樹此
佛去世後七百年出天姿聰悟在乳哺中聞諸
梵志誦四韋陀典有四萬偈偈各三十二字皆達句
義弱冠馳名獨步諸國天文地理星緯圖識及餘道
術無不綜練嘗與契友三人議曰世間義理可以開

神明發幽旨者吾輩悉達之矣更以何方而自娛樂
復云人生唯有追求慾色為至樂耳乃俱往術家學
隱身法師念曰此四梵志才智高遠今以術故屈辱
就我若授其方則永見棄乃各與青藥一九水磨塗
眼形自當隱龍樹聞香便識此藥有七十種名字兩
數皆如其方師聞大驚即以其法具授四人既得其
藥翳身遊行相與入王後宮數月羨人懷妊者眾王
問智臣臣曰若非鬼魅則是方術可以細土置諸門
中若是方術其迹當見設是鬼魅入必無迹人可兵
除鬼當咒滅王用其計果四人足迹乃令勇士揮劍
空中斬三人首近王七尺刀所不至龍樹斂身依王

不能加害。始悟慾為苦。本即自誓曰。若免斯難。當詣沙門。受出家法。既得出宮。便入山。至一佛塔。摩羅來訪。龍樹迎之曰。深山孤寂。大德至尊。何枉神足。摩羅曰。吾非至尊。來訪賢者耳。龍樹默念。此師得決定性。否。明道眼。否。是大聖。繼真乘。否。摩羅曰。汝雖心語。我已意知。但辨出家。何慮。吾之不聖。龍樹悔謝。即求出家。於九十日。誦通三藏。闊浮所有。皆悉通達。辯才無礙。自謂一切智人。欲從瞿曇門入。門神告曰。今汝智慧。何異螢火。齊於日月。以須彌山等。亭歷子。我觀仁者。非一切智。云何欲從此門而入。龍樹情屈。心自念言。世界佛經。雖妙。句義未盡。我當更敷演之。開悟後

學。復欲立師。教戒。更造衣服。令少不同。欲除衆情。選擇良地。便欲成達。獨處靜室。水精房中。大龍菩薩。愍其心念。即以神力。接入大海宮殿。開七寶函。與諸方等經典。九十日中。通解甚多。龍曰。汝今闕經。為漏未邪。師曰。汝經無量。不可得盡。我今所讀。足過闕浮十倍。龍曰。勿利天上。諸經復過。此中百千萬倍。師於宮中修行。豁然通達。善解一相。深入無生法。忍龍知悟道。送師出宮。輔行云。龍接入宮。一夏。但誦七佛經。見。南天竺國王。深染邪見。師欲化之。躬持赤旛。在王前行。經歷七載。王問何人。答曰。我是一切智人。王曰。諸天今者。何所作為。答曰。天今正與阿修羅戰。須臾空中。刀劍相繼。而墜

修羅耳鼻從空而下王始驚悟稽首作禮是時殿上
萬婆羅門歎其神德除髮出家諸外道眾來共議論
一言便屈降伏出家有婆羅門善知咒術白王求與
捕力婆羅門化大池蓮華自坐其上龍樹化白象入
池鼻絞蓮華高舉擲地婆羅門傷背白師悔過因求
出家龍樹造大悲方便論五千偈大莊嚴論五千偈
大無畏論十萬偈輔行云大悲論明天文地理作業
作藥大莊嚴論明修一切功德法
門大無畏論明第一義中觀論
者是其一品○即大智度論也優波提舍論十萬偈
有小乘法師具師高明常懷忿嫉師所作已辨問小
乘言汝今樂我久住世否答曰仁者實不願也忽一
日入月輪三昧唯聞法音不見形相唯弟子提婆識

之曰師示佛性非聲色也龍樹乃付法提婆復入閻
室經日不出弟子破戶視之見入三昧蟬蛻而去天
竺諸國並為立廟敬事如佛付法藏經摩訶摩羅經
○智者云樹生身身龍
生法身故名龍樹孤山慈雲皆稱龍樹為
十三代此即西土正統不長未田地也
十四祖迦那提婆尊者南天竺國婆羅門也國中有
一天神鍍金為形立高六丈號大自在天有求願者
令現獲報提婆入廟稽首為禮天動眼努視提婆語
曰夫為神者當以精靈偃服群類而假金寶為飾勞
費民物何其鄙哉即登高梯鑿出其目明且祠天化
一肉形其高數丈左眼枯涸就座告曰善哉大士供
饌具足汝之左眼宜當垂給提婆即以左手出眼與

之索之不已。出眼至於萬數。天神讚曰。善哉。摩訶真
上施也。提婆後詣龍樹。樹以滿鉢。水置座前。提婆即
以一鉢投之。欣然契會。即剃髮出家。仰受付法。時南
天竺王信用邪道。國法出錢。雀人宿衛。提婆應募。為
將荷戟前驅。整肅部曲。王嘉其功。即召問之。答言。我
是智人。善於言論。王即為建論座。提婆即立三義。一
切聖中。佛最殊勝。諸法之中。佛法無比。世間福田。僧
為第一。八方論士。能壞斯語。我當斬首。以謝時諸外
道。辭理俱匱。悉求出家。有一外道。恥其師屈。心結怨
忿。提婆於閑林。造百論經。外道執刀窮之。曰。汝以空
刀破我師。我以鐵刀破汝之腹。五藏出外。命猶未

絕。謂外道曰。汝可取吾衣鉢。急去。我弟子未得道者
必當相執。時弟子來見。發聲悲哭。奔追要路。提婆告
曰。諸法本空。無我我所。無有能害亦無受者。誰親誰
怨。彼人所害。害吾性報。非害吾也。於是放身蟬蛻。而
去。衆收舍利。起塔供養。付法藏經

十五祖羅睺羅多尊者。迦毗羅國人。聰慧異常。迦那
提婆尊者。至迦毗羅國。有長者淨德。園樹生耳如菌。
唯長者與子羅睺羅多。取而食之。取已。隨生自餘親
屬。皆不能見尊者。知其宿因。遂至其家。謂之曰。汝家
昔曾供養一比丘。以道眼未明。虛沾信施。故報為木
菌。唯汝與子精誠供養。故得尊之。又問長者年多少。

曰七十九尊者說偈曰入道不通理覆身還信施汝
年八十一此樹不生耳長者歎服即令其子出家尊
者曰昔如來記此子當第二五百年為大教主即與
剃髮仰受付囑大弘正法有婆羅門造鬼名書十萬
偈甚為難解龍樹一聞便曉提婆再聞亦曉羅睺聞
提婆亦得解了婆羅門大驚曰沙門似若舊習遂即
信服羅睺化緣已畢遂取沮槃眾收舍利起塔供養

什法
藏經

十六祖僧佉難提尊者室羅筏城寶莊嚴王太子生
而能言常讀佛法七歲厭俗父王每止之九歲羅睺
至金水河指之曰此去五百里有聖者名難提佛記

一千年後當紹聖位即領眾往見之正值入定三七
日方出即求出家得道付法羅睺一日手擎金鉢舉
至梵天取飯以餉大眾眾忽厭惡羅睺曰非我之咎
乃汝自業即命難提分座同食眾復訝之羅睺曰此
難提即過去娑羅王如來賤物降迹汝等亦莊嚴劫
中已至三果但未證無漏耳眾曰我師神力斯則可
信彼過去佛竊有疑焉難提曰如來在日地平水美
滅八百年人無至信不信真如唯愛神力言訖手持
琉璃瓶漸展入地至金剛輪際取甘露水持至眾前
眾方悔謝有阿羅漢具諸功德難提以一偈試之云
轉輪王種生非佛非羅漢不受後世有亦非辟支佛

羅漢不解升天以問彌勒彌勒曰世以泥團置輪成瓦豈同諸聖至後世乎羅漢還以語之難提曰此彌勒為汝說耳化緣將畢以右手攀樹而入滅度弟子欲移其屍堅不可動大象負之亦不能移乃積香木為樓就樹閣維火焚身盡樹更蒼鬱眾取舍利建塔供養付法藏經

十七祖僧佉舍尊者摩提國人母夢大神持鑑因而有娠七日而誕難提行化至其國見一峯紫雲如蓋領眾趣之一童子持圓鑑直造尊者前尊者曰汝手中當何所表童曰諸佛大圓鏡內外無瑕翳兩人同得見心眼皆相似父母聞子語即舍出家他時聞

風吹殿鈴師聞鈴鳴風鳴邪舍曰非風非鈴我心鳴耳嘗遊海邊見七寶宮殿即往乞食說偈曰飢為第一病行為第一苦如是知法實可得涅槃道舍主迎入就座取鉢施食邪舍見其家內有二餓鬼裸形飢虛鎖其身首怪而問之舍主答曰此鬼前世一是吾息一是息婦我昔布施夫妻懷嗔我數教誨不肯信受因立誓曰如此罪業受惡報時我當見汝故致斯報復至一處堂閣嚴飾眾僧經行鳴鐘集食食欲將訖變成膿血便以鉢器相打流血而相謂曰何為惜食今受此苦難提前問眾中答曰我等迦葉佛時同止一處客比丘來咸相嗔恚藏惜飯食而不共分以

故今此受斯苦報如是周遊大海徧觀五百地獄即
 生怖畏方便求免後時得阿羅漢見五百仙人林中
 修道即往其處為宣三偈讚佛法僧五百仙人俱得
 道迹化緣將畢便入涅槃衆收舍利起塔供養付法藏經
 十八祖鳩摩羅跋尊者月氏國婆羅門子邪舍至其
 國往扣其門鳩摩曰此舍無人邪舍曰答無者誰鳩
 摩知是異人遽開門延接邪舍謂之曰佛記滅後千
 年有大士出月氏國紹隆正化遂即出家仰承囑累
 冀至一國人不受教即語之曰汝今可集鐵馬萬騎
 在吾前過鳩摩一見人名馬色衣服相貌一一分別
 更無錯繆於是舉國咸皆信服有長者子名闍夜多

來問師曰我父母崇信而蒙疾失意鄰家屠殺而身
 健和合彼何幸而我何辜師曰以造業有先後故論
 報有不定或仁大而暴壽或逆吉而義凶夫仁與義
 今身之現行善也夫與凶前世之惡今身之受報也
 暴與逆今身之現行惡也壽與吉前世之善今身之
 受報也善惡因果隨業受報故先後不定也闍夜多
 聞已頓釋所疑鳩摩曰汝雖已信三業而未明業從
 感生惑因識有識依不覺不覺依心心本清淨無生
 滅無造作無報應無勝負寂寂然靈靈然汝若入此
 法門當與諸佛同矣夜多領旨即發宿慧鳩摩乃以
 爪撥破面門如紅蓮初綻放大光明而入滅度衆取

舍利起塔供養付法藏經

十九祖闍夜多尊者北天竺人遊化世間最稱善說有比丘犯欲自悔夜多語曰能順我語罪可消滅即化火坑令投其中比丘念欲滅罪舉身投之火成清流夜多曰汝至誠悔過罪今已滅即為說法成阿羅漢嘗將弟子入尸羅城慘然慙感小復前行路見一鳥欣然微笑弟子白師願說此緣師曰我至城門見餓鬼子言母生吾已入城求食滿五百年至今未反我常飢虛不能自濟乃吾入城果見彼母前曰我言吾入城來經五百年始於今日獲一人唾欲持與子門下大力鬼神慮其侵奪願尊者持我出城我即持

母出於城外問彼生來為幾時那答云我見此城七及成壞深歎生死受苦長遠是以慘然過去九十一劫毗婆尸佛在世教化我為長者子常念出家父母不從強為聘妻生一男子年始六歲復欲出家父母教兒汝父若欲作沙門者抱足啼泣我以愛心不復出家由彼兒故九十一劫流轉生死於五道中未曾得見今以道眼觀察彼鳥乃我前生之子愍其嬰愚久處生死是以故笑尊者化緣已畢即入涅槃眾取舍利起塔藏供養付法藏經

二十祖婆修槃馱尊者羅閱國人姓毗舍佉母夢吞明暗二珠覺而有孕經七日有一羅漢名曰賢眾至

其家父光蓋設禮賢衆受之。母一出拜賢衆避席曰：回禮法身大士，謂光蓋曰：汝婦懷聖子，故吾避之。非重女人也。又曰：汝婦當生二子，一名婆修槃駄，二名芻尼。此云野子昔如來雪山修道，芻尼巢於頂上。佛既成道，芻尼報為那提國王。佛記第二五百年生羅閱城毗舍佉家，與聖同胞。今無爽矣。後一月果生二子，槃駄後遇闇夜多出家之日，感毗婆訶菩薩為作羯磨，多聞善解，普化群生。臨涅槃時，升空半由旬，復還就座，而取滅度。衆收舍利塔藏，供養。付法藏經

二十一祖摩拏羅尊者那提國王次子也。槃駄行化至其國，謂自在王曰：佛記一千有神力大士當紹聖

位。即王次子也。王乃令出家，仰受付囑於南天竺興大饒益。有三藏夜奢功德齊等，夜奢語曰：恒河以南二天竺國人多邪見，長老善解音聲之論，可於彼土自在教化。若恒河以北三天竺人，可以易化。我當於此利益衆生，尊者即如其語。至二天竺廣宣毗羅無我之論。十二祖著無我論摧伏一切異道邪見。後遊行至西印度國，王名得度，因行路見一小塔，衆不能舉。王召梵行禪觀咒術三衆以問，所因皆不能知。以問尊者，對曰：此塔阿育王造，今出現者由王福力。王曰：至聖難遇，世樂非久，遂傳位太子，依師出家。七日之間得證四果，師謂得度曰：汝居此國度人，吾當遊化異國。

即焚香囑之其香成穗至月氏國其王以問大臣是何祥異有鶴勒那比丘曰此是西印度祖師將至先降信香也王曰神力何如曰遠承佛記當闡大化主與鶴勒那遙伸禮拜師既至鶴勒那問曰我止林間九年有弟子龍子幼時聰慧我於三世推窮莫知其本師曰此子於第五劫中生妙喜國婆羅門家曾以栴檀施寺撞鐘故受此報師化緣已畢即加跌入滅王與弟子造塔以奉全身付法藏經

二十二祖鶴勒那尊者月氏國人年七歲見居民入廟祀神穢什之曰汝妄興灾福幻惑世人歲費牲牢為害甚矣其廟與像忽然摧倒年三十八始遇摩訶

羅謂之曰汝昔有弟子五百以福德薄生於羽族今感汝惠故為鶴衆相隨勒那曰以何方便令彼解脫摩訶羅為說偈曰心隨萬境轉轉處實能幽隨流認得性無喜復無憂鶴衆聞偈飛鳴而去勒那行化至中印度有王無畏海請鶴勒那說法忽見緋衣素服二人俱至禮拜良久復沒王問何人師曰日月天子也時師子比丘來聽法師指東北問曰汝見此氣如何師子曰我見氣如白虹貫天復有黑氣橫亘其中師曰吾滅五十年北天竺當有難起嬰在汝身遂密示其事現十八變而入滅度衆取舍利起塔供養付法藏經

二十三祖師子尊者中印土人得法遊化至罽賓國

有波利迦者本習禪觀有禪定知見執相捨相不語
五衆師子化之五衆皆服聲聞邇遐外道摩目多部
落遮二人素學幻術乃盜爲僧形潛入王宮娼犯妃
右且曰不成則歸罪釋子既而事敗王大怒曰吾素
重三寶沙門何多辱我即毀寺害僧自秉劍至尊者
所問曰師得蓋空邪曰然王曰蓋既空當與我頭曰
身非我有何吝於頭王遂斬師首白乳涌高數尺王
臂尋墮七日而亡太子光首歎曰我父何故自取其
禍有象白山仙人深明因果即爲廣說宿因以尊者
報體而建塔焉付法藏經
述曰佛所得宿命記未來成道雖累億劫必能前

知豈今記祖止二十四竊原佛意當用二義一者
以師子遭命難爲傳持佛法之一厄二者此後諸
祖雖有其繼恐非四依大聖之比以故金口齊此
而言非謂無繼祖也世或謂師子遭難不傳法者
癡人之言耳吾宗謂祖承止師子而禪林加四人
於是競相是非連代不息試以大意決之則無所
爲礙謂師子雖遭命難非無弟子可以傳法特不
在金口預記之數耳然則加以四人至于達磨而
始爲東土之來謂之二十八人斯亦何害禪人欲
實其事但言四人相承傳之達磨則可矣今乃妄
引禪經之證適足以自取其不實也嵩明教作定

祖圖謂禪經具載二十八祖今檢經但列九人而
名多不同昉法師作止訛以乍之宜矣五

二十四祖託第一

月波石林法師文介施芝券二十道飯穀二五

月波石林法師文介施芝券二十道飯穀二五
月波石林法師文介施芝券二十道飯穀二五
月波石林法師文介施芝券二十道飯穀二五
月波石林法師文介施芝券二十道飯穀二五
月波石林法師文介施芝券二十道飯穀二五
月波石林法師文介施芝券二十道飯穀二五
月波石林法師文介施芝券二十道飯穀二五
月波石林法師文介施芝券二十道飯穀二五
月波石林法師文介施芝券二十道飯穀二五
月波石林法師文介施芝券二十道飯穀二五

止

止

